

明史考證攷逸

七

明史考證卷之二

明史攷證攬逸卷二十七

長洲王頌蔚編集

列傳第一百四十八

楊鶴傳

大吏惡聞賊

按明史紀事本末大吏爲巡撫陝西都御史胡廷宴
延綏兵中道逃歸至並合於賊

按毛奇齡集是時西撫耿如杞以邊兵五千勤王赴
京兵部調守通又調守涿又調守昌平功令兵到日
不開糧至次日乃開而邊兵以連調三日不得糧餒
且譁如杞以譁得罪五千人哄然而歸與羣盜合延

安至慶陽城堡俱陷鶴不以聞

已撫王左掛

按王左掛以三年二月杜文煥招降見綏寇紀略

陳奇瑜傳

賊見官軍肆集

肆改四

悉遁入興安安車廂峽

廂改箱

按明一統志作車箱峽

熊文燦傳

授貴州推官

貴改黃

先是海寇鍾靈秀

靈改凌下同

懼而叩太和山提督中官

按太和山提督中官係李維政見明史紀事本末

惟革左及馬光裕三部

裕改玉

初張獻忠之降也

按獻忠之降文燦受其賂壞貨累萬萬文燦以聞海撫賊得重賄襲故事行之穀城日責其寶賂獻忠曰此欲鄭芝龍我也文燦既得所欲爲之請官請餉請關防惟恐不滿其意而獻忠故爲要求以逞其恣睢見綏寇紀略

丁啟睿傳

代鄭崇儉總督陝西三邊軍務討賊

按上召嗣昌問曰陝撫丁啟睿何如人嗣昌曰秦督

撫承疇傳庭與之共事久皆稱其才必可用上頷之

見綏寇紀略

鄭崇儉傳

崇儉乃檄副將軍賀人龍李國奇等軍發西安

按崇儉發西安士馬單弱以曹變蛟請上不許見綏

寇紀略

而疆事寢壞寢改

禽擊奉鐸擊改

按明史紀事本末作禽繫此作擊誤

邵捷春傳

思岱潛殺茂選

按綏寇紀略言思岱譖茂選於捷春捷春召令計事而戮之與此異

余應桂傳

文燦再糾應桂

按文燦再糾應桂曰南中人譁傳獻忠反如應桂等流言挑搆奈國事何上乃下其書於刑部并按之文燦知上將以安新附必重論應桂而又慮獻忠反覆此書可以歸獄事成則己收其功不成則應桂開其釁於是朝士皆冤應桂而謂文燦已甚見綏寇紀略

張任學傳

入爲御史

接任學麤疏寡學術好以其官矜倨朝士多羞之弗與交見綏寇紀略

乾隆四十一年

賜諡諸臣

余應桂 通諡忠節

列傳第一百四十九

盧象昇傳

京師戒嚴

按是年十月 大兵分三道入大安口參將周填

戰沒入龍井口參將張安德等敗走入馬蘭口參將

張萬春降遂圍薊州見明實錄所云戒嚴蓋指此

代蔣允儀撫治鄖陽

按允儀於七年四月以賊陷鄖西竹山等縣逮問故以象昇代之見明實錄

於是迎祥圍廬州不克

按是時高迎祥與李自成合兵攻廬州不克象昇大敗之滁州朱龍橋見流賊傳此但云迎祥省文也

有詔入衛

按是年六月大兵入喜峰口七月破昌平寶坻文安永清等縣至九月旋師時莊烈徵山東西關寧諸鎮兵救援故象昇入衛

進師至鉅鹿賈莊

按賈莊之戰在崇禎十一年十二月見明實錄

劉之綸傳

及冬十一月三日三改四

按本紀是年十一月壬午朔 大兵破遵化則在

乙酉是十一月四日也傳作三日誤又考滿桂孫祖

壽之敗沒在十二月丁卯是月辛亥朔以干支計之

為十七日傳亦未敘明

還至蘆溝蘆改盧

時永平已陷

按 大兵破永平在崇禎三年正月甲申以干支

考之為正月四日傳類敘於二年十二月之後未晰

御史董羽宸劾其行留行改逗

乾隆四十一年

賜諡諸臣

曹文詔 專諡忠剛

盧象昇 專諡忠肅

劉之綸 通諡忠烈

盧象觀金聲邱民仰 通諡忠節

列傳第一百五十

傅宗龍傳

貴州巡撫王三善爲降賊陳其愚所給敗歿

按蠻司合志安邦彥圍貴州朝命以王三善代李樵
爲巡撫三善忠勇屢敗賊眾斬獲無算而總督楊述
中主撫與三善不合會安邦彥遣陳其愚詐降三善

明史紀事本末卷之二十七
謂楊督旣立撫局勢難自異因受降卒爲其愚所害
帝以復一新敗令解官

按復一之敗亦在五年見朱燮元傳

用小故奪官矣

按明實錄宗龍爲總督以崇禎七年兵科給事中常
自劾効其赴援逗遛奪官歸

遂釋之出獄

按丁啟睿畏李自成不敢擊上乃於五月十九日出
宗龍於獄宗龍老矣部曲皆滇黔人於西北非所習
識者固策其不效見綏寇紀略

斲其耳鼻死城下

按賊傷宗龍右脇抉目削鼻城上礮起賊退家人盧
三負宗龍入城乃絕項人歛之天吉寺見綏寇紀略

汪喬年傳

威震河雒

威改勢

米脂令邊大受

按任工縣志作邊大綬

河閒靜海舉人

靜海改任工

孫傳庭傳

始遷驗封郎中

遷改起

是為崇禎之十一年春也

春改冬

縛援勦總兵賀人龍至數而斬之

明史紀事本末
按傅宗龍汪喬年之沒帝深怒人龍而人龍米脂人親族多在賊中欲誅之而未可輕發及傅庭出帝授以意佯貫其死執斬之見明史紀事本末

傅庭出師潼關

按綏寇紀略傅庭出潼關賊有說之者曰公不奉駐洛陽之旨乎洛陽故阨未毀修築半月可畢流離之民聞洛陽復定不召自集公於此儲糗糧開屯田進戰退守經略中原此祖逖之鎮雍正宗澤之復東京也不聽

賊大至

按是時降盜李際遇陰通賊故賊大至見明史紀事

本末

不得已還軍迎糧

按先是傳庭退軍時自成兵政侍郎邱之陶相國瑜之子以蠟書通曰督師第與戰我當詭言左兵大至以搖賊心賊必反顧督師隨其後我從中起賊可禽也傳庭報以書爲自成所得故傳庭苦戰反墮賊計而之陶被殺見毛奇齡文集

我師陣稍動

我師改官軍

贊

傳宗龍孫傳庭遠近相望倚以辦賊汪喬年楊文岳奮力以當賊鋒

改宗龍喬年文岳皆能奮力以當賊鋒

傳庭敗死賊遂入關勢以愈熾存亡之際所係豈不重

哉改傳庭竭忠盡瘁才更出諸人上乃為楊嗣昌所沮

況即偏裨勞績亦多格不上聞忌功掣肘其誤國甚矣

張明季之亡實決於此豈得盡諉之天意哉

乾隆四十一年 賜諡諸臣

孫傳庭 專諡忠靖

汪喬年黨威楊文岳王世琮 通諡忠烈

張國欽張一貫孫兆祿賈悌馮名聖孫枝秀黑尙仁

喬遷高 通諡烈愍

曹思正傅汝為朱國寶文師頤任光裕 通諡節愍

列傳第一百五十一

宋一鶴傳

嗣昌卒丁啟睿代

按嗣昌卒丁啟睿代一鶴不知連疏請設督師劾左

良玉驕橫而薦范景文吳甡惠世揚堪代嗣昌見明

實錄

遂攻承天歲除

改歲除
攻順天

城陷

改城
遂陷

後復殺之

按振聲以通書孫傳庭故殺之見明史紀事本末

馮師孔傳

師孔投井死

按是時諸將白廣恩左光先陳永福等皆降惟榆林